

**Sekretarijatu Vijeća za štampu- info@vzs.ba**

**On line magazinu Žurnal.ba- redakcija@zurnal.info**

- Prigovor na neprofesionalan i nepotpuno objavljen sadržaj i nepoštovanje Kodeksa za štampu i Online medije BiH, u Online magazinu Žurnal.ba

-Zahtjev za objavu demantija, dopunu informacija i objavljivanje ispravke

**Sadržaj /tekst na koji se žalba odnosi:**

**ZDRAVSTVO  
PATOLOGIJA SEBIJE IZETBEGOVIĆ: Federalne  
inspekcije u službi doktora Talirevića**

**Datum objave: 12.04.2016. u 12:22h**

**U općeni prigovori** na rad online medija -"Online magazin Žurnal.ba"

U spornom tekstu, koji nije jedini primjer što se tiče ovog medija, nije naveden autor teksta već samo oznaka "zurnal.info".

Na impressum stranici ovog medija

( Link: [linkhttp://www.zurnal.info/stranica/impressum](http://www.zurnal.info/stranica/impressum) , pristupljeno 14.04.2016.godine)

navedena su 2 lica kao urednici od kojih niti jedan u svojstvu **odgovornog urednika**, što praktično onemogućava bilo koje lice protiv kojeg se iznosi klevetničko izražavanje da podnese tužbu protiv ovog online medija shodno Zakonu o zaštiti od klevete FBiH jer je članom 6. ovog zakona propisano da za klevetu iznesenu u sredstvima javnog informiranja odgovorni su **autor, odgovorni urednik i izdavač**.

Kako za online medije zbog njihove prirode ne postoji "izdavač" koji je karakterističan samo za štampane medije, to u nedostaku i oznake odgovornog urednika i autora, ovaj medij svjesno izigrava utvrđivanje odgovornosti po citiranom zakonu.

Shodno navedenom tražimo od Vijeća za štampu da ovom online mediju naloži da na svojoj web stranici otkloni ove nedostatke kako bi isti bio podveden pod sudsku jurisdikciju i kako bi bilo omogućeno kako podnosiocu ovog prigovora tako i svim drugima licima pravo na podnošenje tužbe za klevetu nadležnom sudu.

**P r i g o v o r i na konkretan tekst:**

**1) Povreda čl. 5. stav 7. Kodeksa za štampu i Onlime medije BiH**

-Već iz podnaslova teksta koji glasi: "*Federalne inspekcije u službi doktora Talirević*" kao i iz samog teksta, u kojem se dr. Talirević i njegovi postupci predstavljaju na način koji izaziva prijekor i prezir javnosti, a Medicinski fakultet u Sarajevu kao žrtva takvih njegovih

postupaka, **očigledno je da se radi o izvještavanju kontroverze**, ali se anonimni novinar ovog medija nije uopće potrudio da se saslušaju i predstave sve strane u sporu jer Dr. Talirević uopće nije kontaktiran prije objave teksta niti je odbio da se stavi na raspolaganje novinaru, zbog čega se tako nešto i ne navodi u spornom tekstu.

- Informacija u tekstu koja glasi: " *Sva dokumentacija je bila je uredna, što je konstatovano i u zapisniku o inspekcijskom nadzoru, završenom 11. 4. 2016. godine u 14. sati*" nije istinita i krivonavodeća je jer

**Demantij:** tako nešto ne proizilazi iz samog zapisnika koji objavljen uz sporni tekst budući da se već na drugog strani zapisnika konstatuju utvrđeni nedostaci, dok ostale strane nisu uopće objavljene pa bez uvida u kompletan zapisnik nije moguće davanje komentara i iznošenje tvrdnji da je " *sva dokumentacija je bila uredna*"

### **Povreda čl. 1. Interes javnosti Kodeksa za štampu i Onlime medije BiH**


U tekstu se navodi " *Tek što je tenderska komisija Opće bolnice dr. Abdulah Nakaš otvorila ponude za dodjelu usluga patohistologije, na Medicinski fakultet u Sarajevu upala je federalna inspekcija*".

Ovakvim informacijom neosnovano se zavodi javnost postupkom federalne inspekcije kojom navodno upravlja pojedinac i neosnovano se podriva povjerenje građana u zakonit rad ove ustanove, te mu nije namjera pomoći javnosti u donošenju ispravnog mišljenja i ignoriše poštivanje potrebe građana za tačnim, korisnim, i relevantnim informacijama.

**Demantij:** Federalna inspekcija je, naime, postupajući po zakonskoj obavezi, na osnovu ranije podnesenog pismenog zahtjeva dr. Talirevića, koji je uredno protokolisan u toj ustanovi, obavila inspekcijski nadzor. Činjenica da je nadzor obavljen istog dana kada je Bolnica dr. "Abdulah Nakaš" otvorila ponude, jeste čista koincidencija događaja, a oglašavanje Medicinskog fakulteta u Sarajevu putem medija u vezi s tim, jest čisti medijski pritisak na Opću bolnicu da prihvati njihovu ponudu iako mu je dobro poznato da nema odobrenje za rad za pružanje zdravstvenih usluga stanovništvu već zloupotrebljava rješenje federalnog ministarstva zdravstva koje im je u skladu sa Zakonom o zdravstvenoj zaštiti izdato za obavljanja patohistologije ali samo za potrebe fakultetske nastave.

**S poštovanjem,**

**Prim. dr Emir Talirević**



**Specijalista interne medicine i neurologije  
Direktor**

**Sarajevo, 14.04.2016**

Prilog: sporni tekst i  
link sa kojeg je materijal preuzet

**LINK sa kojeg je materijal preuzet:**

<http://www.zurnal.info/novost/19760/federalne-inspekcije-u-sluzbi-doktora-talirevica>

**ZDRAVSTVO**

**PATOLOGIJA SEBIJE IZETBEGOVIĆ: Federalne inspekcije u službi doktora Talirevića**

Objavljeno: 12.04.2016. u 12:22h

Inspektore je zanimala samo dokumentacija u vezi sa uslugama patohistologije koje pruža fakultet. A evo zbog čega

Emir Talirević ispred Federalne uprave za inspekcijske poslove

FOTO: zurnal.info

Tek što je tenderska komisija Opće bolnice dr. Abdulah Nakaš otvorila ponude za dodjelu usluga patohistologije, na Medicinski fakultet u Sarajevu upala je federalna inspekcija. Inspektore je zanimala samo dokumentacija u vezi sa uslugama patohistologije koje pruža taj fakultet. A evo zbog čega.

Prema zapisniku o otvaranju ponuda za usluge patohistologije za Opću bolnicu Sarajevo, od 11. 4. 2016. godine, najbolji ponuđač je Medicinski fakultet Sarajevo sa ponudom vrijednom 385 hiljada maraka. Drugi na listi, sa ponudom skupljom za 95 hiljada maraka, bila je Privatna zdravstvena ustanova Moja klinika Sarajevo, čiji je vlasnik Emir Talirević. Upravo ove činjenice bile su presudne da Federalna uprava za inspekcijske poslove pošalje svoje inspektore na Medicinski fakultet.

Naime, prema zapisniku o zaprimanju ponuda, Medicinski fakultet svoju povoljniju ponudu dostavio je 11. 4. 2016. godine u 10 sati i 45 minuta. Petnaest minuta kasnije, na Medicinski fakultet ulaze federalni inspektori sa zahtjevom da im se predoče svi ugovori iz oblasti patohistologije koje je Fakultet potpisao sa zdravstvenim ustanovama iz Federacije BiH. Međutim, inspektori su uzalud došli. Sva dokumentacija bila je uredna, što je konstatovano i u zapisniku o inspekcijskom nadzoru, završenom 11. 4. 2016. godine u 14. sati.

Nakon toga, nastaje problem. Prema izvorima Žurnala, prvi čovjek Federalnih inspekcija Anis Ajdinović nije bio zadovoljan urađenim poslom, te je od svojih inspektora tražio da promijene nalaz kako bi se stvorili uslovi za pečaćenje Odjela patologije na Medicinskom fakultetu. Na hitni sastanak u Upravu inspekcija pozvani su predstavnici Medicinskog fakulteta i predstavnici Moje klinike, odnosno doktor Emir Talirević. A plan je da se privremenim zatvaranjem patologije na Medicini, omogući doktoru Talireviću da nastavi sa pružanjem usluga patohistologije u Općoj bolnici.

Inače, doktor Talirević, sklapajući ugovor sa bivšom direktoricom Opće bolnice Sebijom Izetbegović, svoju privatnu kliniku smjestio je upravo u prostorije ove javne zdravstvene ustanove. Nakon što je



postao podstanar u bolnici kojom je rukovodila Izetbegovićeva, Talirević od iste bolnice počinje dobijati poslove patohistologije.

Tokom 2014. godine Emir Talirević i Sebija Izetbegović sklopili su ugovor prema kojem je Opća bolnica Abdulah Nakaš za usluge patohistologije platila Mojoj klinici više od pola miliona maraka. Godinu kasnije, ovo dvoje direktora ugovorili su isti posao vrijedan 430 hiljada maraka. Nakon isteka ovog ugovora, nova uprava Opće bolnice Abdulah Nakaš raspisala je tender za dodjelu usluga patohistologije u 2016. godini, na koji su se javili Medicinski fakultet i Talirevićeva "Moja klinika".

Klinički centar Sarajevo sa Sebijom Izetbegović na čelu nije se prijavio na ovaj tender, iako i oni pružaju usluge patohistologije. Podsjećamo, Moja klinika u martu ove godine dobila je poslove patohistologije u Zeničko-dobojskom kantonu, jer je druga ponuda dostavljena sa danom zakašnjenja. Zakašnjelu ponudu poslao je Klinički centar Sarajevo kojim rukovodi Sebija Izetbegović.

(zurnal.info)